



Nr. 613 Prot. datë 05/12/2019



**Save the Children**

Nr. 1001/390 Prot. datë 5/12/2019

## Marrëveshje Bashkëpunimi

ndërmjet

Urdhrit të Psikologut

dhe

Save the Children

**Urdhri i Psikologut** në Republikën e Shqipërisë, në vijim **Urdhri i Psikologut**, është ent publik jobuxhetor, profesional, i pavarur, i cili përfaqëson dhe mbron interesat e përbashkët të anëtarëve të Urdhrit dhe rregullon veprimtaritë e marrëdhëniet midis tyre në funksion të publikut, përfaqësuar nga Presidentja **Znj. Valbona Treska**,

dhe

**Save the Children**, me adresë: Rr. "Komuna e Parisit", Lagja 8, Pallatet "1 Maji", Vila "Lami", Tiranë; regjistruar si person juridik, Fondacion, me nr. Vendimi 3041, datë 05/11/1999 të Gjykatës së Rrethit Gjyqësor Tiranë; me nr. NIPT-i J92308003D, përfaqësuar nga **Znj. Anila Meço**, në cilësinë e Drejtores së Fondacionit "Save the Children në Shqipëri", këtij e tutje e cilësuar si "**Save the Children**"

Palët në këtë marrëveshje bashkëpunimi bien dakord për nënshkrimin e saj si më poshtë:

### **NENI 1** **Objekti**

Objekt i kësaj Marrëveshje është përcaktimi i roleve dhe përgjegjësi të ndërsjellta në zbatimin e ndërhyrjes së emergjencës, si rezultat i goditjeve të tërmetit të datës 26 Nëntor 2019, ndërhyrje e cila synon ngritjen e hapësirave miqësore, vënien e tyre në funksionim dhe ofrimin e shërbimeve mbështesë psiko - sociale për fëmijët e prekur dhe familjet e tyre të dëmtuara. Palët do të zbatojnë ndërhyrjet e përbashkëta në përputhje të plotë me legjislacionin në fuqi dhe të udhëhequr nga parimi i "*interesi më të lartë të fëmijës*" si dhe standartet e Save the Children për ngritjen e hapësirave miqësore për fëmijët dhe ofrimin e shërbimit psiko - social.



## **NENI II** **Baza ligjore**

Referuar Ligj Nr. 40/2016 “Për Urdhrin e Psikologut në Republikën e Shqipërisë”, Ligj Nr.10 171, datë 22.10.2009 “Për profesionet e rregulluara në Republikën e Shqipërisë”, Ligji nr. 121/2016 “Për shërbimet e kujdesit shoqëror në Republikën e Shqipërisë”, Ligjit nr. 18/2017 “Për të drejtat dhe mbrojtjen e fëmijës”, Ligji nr. 8788 datë 07.05.2001 “Për organizatat jo fitim-prurëse”, i ndryshuar, Ligji nr. 8788 datë 07.05.2001 ‘Për organizatat fitim-prurëse, dhe Konventa e OKB-së mbi të “Drejtat e Fëmijës” datë 20.11.1989;

## **NENI III** **Qëllimi**

Kjo marrëveshje ka për qëllim rregullimin e marrëdhënieve institucionale midis Urdhrit të Psikologut dhe Save the Children në zbatimin e ndërhyrjes së emergjencës me qëllim mbështetjen psiko – sociale të fëmijëve dhe familjeve të dëmtuara nga goditjet e tërmetit të datës 26 Nëntor 2019, në zonën Durrës, Shijak dhe Velipojë.

## **NENI IV** **Rolet dhe përgjegjësitë e Save the Children**

- 1. *Save the Children*** garanton mbështetjen teknike dhe financiare në adresimin e këtyre çështjeve kryesore:
  - *Ngritjen dhe organizimin e hapësirave miqësore për fëmijët*
  - *Ofrimin e shërbimit psiko - social*
- 2. *Save the Children merr përsipër këto angazhime:***
- 3. *Save the Children*** do të rimbursojë shpenzimet për aktivitetet e listuara më sipër pas marrjes së raporteve të detajuara narrative për aktivitetet dhe evidenca nga përfituesit për marrjen e shërbimit të ofruara në përputhje me procedurat e Save the Children.



4. **Save the Children** angazhohet të garantojë parimin e ruajtjes së konfidencialitetit për çdo informacion që lidhet me fëmijët apo me familjet e tyre si dhe çdo informacion tjetër sensitiv.

#### NENI V

#### Rolet dhe përgjegjësitë e Urdhrit të Psikologut

##### Urdhri i Psikologut merr përsipër këto angazhime :

##### 1. Në kuadër të fuqizimit të sistemit vendor të mbrojtjes së fëmijëve:

- 1.1 Të sigurojë angazhimin e vazhdueshëm dhe efikas të psikologëve të angazhuar në ndërhyrjen e emergjencës në ngritjen dhe vënien në funksion të hapësirave miqësore për fëmijët në zonat e prekura nga termeti.
- 1.2 Të sigurojë shkëmbimin e informacionit të nevojshëm me Save the Children në kuadër të ofrimit të shërbimeve psiko – sociale për fëmijët dhe familjet e dëmtuara si pasojë e goditjeve të tërmetit duke përgatitur raport ditor për aktivitetet e kryera dhe numrin e përfituesve.
- 1.3 Të sigurojë bashkëpunimin e psikologëve të angazhuar në ndërhyrjen e emergjencës me stafin e Save the Children në ofrimin e shërbimeve psiko – sociale;

2. **Urdhri i Psikologut** do të garantojë pjesëmarrjen e psikologëve të angazhuar në të gjitha aktivitetet e ngritjes së kapaciteteve sipas planeve të rëna dakord më parë me Save the Children.

3. **Urdhri i Psikologut** krijon kushtet e nevojshme që Save the Children të përmbushë detyrimet siç përshkruhen në nenin IV të kësaj marrëveshjeje, përfshirë edhe caktimin e një personi kontakti.

#### NENI VI

#### Zbatimi i Marrëveshjes

Palët përgjigjen reciprokisht për përmbushjen e detyrimeve dhe kushteve të parashikuara në këtë Marrëveshje Bashkëpunimi, për të qenë partnerë në zbatimin e ndërhyrjes së emergjencës dhe të punojnë së bashku për realizimin me sukses të aktiviteteve të parashikuara.

Urdhri i Psikologut dhe Save the Children caktojnë nga një person kontakti që do të jenë pjesë e komunikimit mes palëve, koordinimit të veprimeve dhe monitorimit hap pas hapi të zbatimit të ndërhyrjes së emergjencës nëpërmjet organizimit të takimeve periodike informuese dhe vendim-marrëse.



Në raste të caktuara, në marrëveshje mes tyre, Urdhri i Psikologut dhe Save the Children, krijojnë grupe të përbashkëta teknike për hartimin e propozimeve konkrete për ofrimin e shërbimeve psiko – sociale për fëmijët dhe familjet e dëmtuara.

#### **NENI VII** **Kohëzgjatja**

Kjo marrëveshje hyn në fuqi në ditën e nënshkrimit të saj dhe do të jetë e vlefshme deri në 28 shkurt të vitit 2020.

Palët mund të ndryshojnë ose të shtojnë në këtë Marrëveshje. Çdo ndryshim apo shtesë në këtë Marrëveshje bëhet vetëm me shkrim dhe nënshkruhet nga të dyja palët.

#### **NENI VIII** **Përfundimi i marrëveshjes**

Secila nga palët mund të përfundojë këtë Marrëveshje në rastet kur:

- a. mbaron afati i kohëzgjatjes i përcaktuar në marrëveshje;
- b. shkelen dispozitat e ligjit dhe të marrëveshjes;
- c. palët nuk i përmbahen qëllimit dhe objektit të marrëveshjes;
- d. për forcë madhore

Secila nga palët duhet të njoftojë palën tjetër me shkrim, jo më vonë se 30 (tridhjetë) ditë përpara përfundimit të marrëdhënieve të Marrëveshjes, duke dhënë sqarime të hollësishme dhe të qëndrueshme mbi këtë ndërprerje.

Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga Marrëveshja deri në çastin e ndërprerjes së marrëdhënieve.

#### **NENI IX** **Zgjidhja e mosmarrëveshjeve**

Mosmarrëveshjet që mund të lindin mes palëve zgjidhen me mirëkuptim, me bisedime ndërmjet tyre, deri në gjetjen e një zgjidhje të përbashkët.

#### **NENI X** **Dispozita të fundit**

Palët përgjigjen reciprokisht për përmbushjen e detyrimeve dhe kushteve të parashikuara deri në fund të marrëdhënieve të kësaj marrëveshje bashkëpunimi, për të qenë partnere në zbatimin e saj, duke punuar së bashku për realizimin e veprimtarive.



Marrëveshja mund të ndryshohet vetëm nëpërmjet një dokumenti me shkrim të nënshkruar nga të dyja palët.

**NENI XI**  
**Hyrja në fuqi**

Kjo marrëveshje bashkëpunimi hyn në fuqi ditën e nënshkrimit të saj nga palët. Hartohet në 2 kopje të barazvlefshme në gjuhën shqipe, nga një kopje për secilën palë.

**Për Urdhrin e Psikologut**

**Për Save the Children**

**Znj. Valbona Treska**  
**Presidente**

**Znj. Anila Meco**  
**Drejtoare**

*Valbona Treska*

*Anila Meco*

